

靈寶無量度人上品妙經卷之三十五 黃五

九宮仙籍品

道言昔於太碧天中紫霞玄歌太空真土受  
元始度人九宮仙籍無量上品元始天尊當  
說是經周回十過以召十方始當詣座天真

黃五

大神上聖高尊妙行真人三元仙籍九宮大  
神無鞅數衆乘空而來流雲景霄琅輿鳳車  
羽葆神幡翠輦珠蓋金碧交光九色鬱明洞  
煥太空三日三夜諸天日月宮府星宿躔次  
化網變紀大經彌綸停機息運寥廓沈冥地

躡寶花天敷赤文韶響合奏靈韻生音輝耀  
上境洞開八門一國地土山川林木緬平一  
等無復高下土皆作紫瑤通明瑩徹照映圓  
羅光焰流晶無有異色衆真侍座元始天尊  
玄坐空浮神化飛龍羽座之上說經一遍諸  
天大聖同時稱善是時一國男女心開悟解  
密契妙微說經二遍百神聚會降體玉英說  
經三遍生氣交纏合變正道說經四遍圓虛  
應化五府灌煙說經五遍內運修輪上符天  
範說經六遍浩劫結滯廓爾消融說經七遍

靈寶無量度人上品妙經

神洞虛明徹見十方說經八遍九宮注籍身  
飛列仙說經九遍恩沾萬有福及八冥說經  
十遍寒夜衆生逍遙離苦是時一國是男是  
女莫不傾心皆受護度咸得長生

道言是時元始天尊說經一遍上元無極無

量品玄都紫微宮正氣大神無鞅之衆浮空  
而至說經二遍上元無極無量品元黃太極  
宮合景大神無鞅之衆浮空而至說經三遍  
上元無極無量品洞白太清宮耀輝大神無  
鞅之衆浮空而至說經四遍中元無極無量

品洞虛清靈宮運功大神無鞅之衆浮空而  
至說經五遍中元無極無量品南極洞陽宮  
仙籍大神無鞅之衆浮空而至說經六遍中  
元無極無量品羅淵導山宮元陰大神無鞅  
之衆浮空而至說經七遍下元無極無量品

黃五

二

青華方諸宮安保大神無鞅之衆浮空而至  
說經八遍下元無極無量品南水景脩宮元  
道大神無鞅之衆浮空而至說經九遍下元  
無極無量品陰天混化宮玄皇大神無鞅之  
衆浮空而至說經十遍仙府無極無量品考

靈寶度量上人妙經

校功過玄籍靈官大神無鞅之衆浮空而至  
十遍周竟三元九宮二十七府百二十曹主  
領生化善惡飛天大神一時同至一國男女  
傾心歸仰元始天尊即以五明寶扇指東南  
維天光煥赫照耀太空天人隨扇所指仰視  
神化見一寶山高聳玉虛廣大難量上有瓊  
臺玉觀華闕神功羅列天真敬禮元始飛空  
步虛謠歌讚歎天尊乃召清微高上治化玉  
虛萬寶一品天官黃闕大鎮敷化方輿元會  
二品地官大溟流運廣化九淵玄德三品水

官立於座右三十二天帝君立於座左九天  
高聖自然真王立於座前日月五斗經緯列  
宿元綱大神立於座後曜晶玉極持握彌綸  
二十五大魔王十方無極飛天大神按部九  
天儀衛三界神兵瓊花散空天樂互奏導從  
羽駕飛入東南天中黃五天人仰看惟見億乘萬  
騎鳳輦龍車炳若繁星難可悉視須臾黃雲  
四合不復瞻見元始即於東南玉闕之內說  
經都竟衆真監度以授於我當此之時欣樂  
難言法事既周萬真復位俄頃之間寂爾無

聞是時天民悟此大範普獲濟患皆得長年  
永斷沉淪合境歸嚮咸識生根神真開化標  
名九宮沖和變氣收伏妖凶物無瘡疹萬彙  
昭融邪闖闔塞正道開通永輔上極威令敷  
弘世土升平國康民豐經始流布一國演教  
各運至心宗奉禮敬悉皆度世

道言元始天尊說經中所言並是九天自然  
真王內名隱韻之音亦是三元宮府內諱百  
靈之隱名也非世之常辭上清開化真人通  
真悟玄悉契其章誦之十過天官遙唱真公

設禮太淵鎮靜神嶽收雲元皇錫教九宮書  
名大魔伏形羣杖滅景回靈化體朽骨成人  
妙學上士誦之十過則九官擁衛神帥稽顙  
鬼精逃遁不敢干犯濟拔品彙淪而復升也  
神州之民初學至道若能依科誦之十過則  
萬惡消摧千瑞來臨聲參太微道貫紫霄三  
元執筆注上九宮果備功圓升為地真也輕  
誦玉文永劫湮沉崇奉尊禮所願克成世世  
下教開度舍生萬魔不干天真護門斯經隱  
奧高祕玉清度人無極為靈寶之宗魏魏尊

妙難可稱量

道言凡誦是經十過九宮列曹真吏持生化之簿書下臨監觀削滅羅酆黑籍注名青編祖先幽魂皆得上升流火之庭鍊質召靈為天種民而妙契有無修行至學大魔保奏升

第五

度朱陵飛行八極遊宴上清降神天闕為世賢人恢張至道輔弼明君世人受誦則百病普消靈府虛明玉華內鍊金光外凝暫寄厚土太陰變形數極純陽隨運更生此經玄奧普濟無邊一切有生莫不蒙惠無量之福生

化受賴上天所禁不傳下凡至士齋寶玉格  
心盟約而傳輕慢洞章殃及七玄長役冥塗  
侍經九宮玉童玉女各二十四人擁護靈文  
守衛受經者身

道言正月長齋誦詠是經紫微上宮注籍金  
科妙行真人乘少陽景霄之光下開幽關拔  
度上世亡魂升入天堂七月長齋誦詠是經  
洞虛元宮書功瓊簡龍耀神王奏名九天降  
以生氣身得神仙十月長齋誦詠是經方諸  
洞宮列章上聞持綱執紐玄天大魔清蕩姦

秋收伏百精消滅三災保世升平八節之日  
誦詠是經得為地真遊宴八冥本命之日誦  
詠是經五府灌鍊雙景交纏九元上會混合  
綿綿制魂拘鬼升騰絳煙采集華芒流運靈  
泉功滿道備神飛列仙

黃五

五

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐九色雲氣之中  
內外蒼冥有青龍白虎朱雀玄武獅子白  
鶴羅列左右三元九宮仙籍大神森然對

日日月月照明洞煥室內項生圓象光映十方如此分明密呪曰

無上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人闡啓所言今日吉慶長齋清堂修行至經無量度人願所啓上徹

徑御

無上三十二天元始上帝至尊几前畢

引炁三十二過東向誦經

靈寶度量人上品妙經

元始無量度人上品妙經

元始洞玄靈寶本章九宮僊籍上品升降度  
人大經離合結氣自然玉洞紫文森羅景真  
虛無至化流範成尊圓光分妙洪象飛根九  
宮育質帝一生身琳琅廓落赤文化生奔天

迴水三極玄津眇眇層關運空飛輪安陽紫  
微同歸帝宸是爲極變雲宮太霄鬱察神丘  
玉虛陽家須延飛霞熒晶散飆劫仞元臺敷  
靈列曹數周網維大運相交蕩蕩天闕經緯  
華城流爛泛境保天蔚明中有萬垣太帝之

真中有三官廣治之君中有九宮主籍之靈  
中有化周開導文人中有二十七府百二十  
曹陰陽水火考校生死靈官大神敷弘至妙  
濟度天人遊觀太空護世長存上朝大羅下  
治泉扃總領北艷按察雲營神符告命玄詔

黃五

六

奉行今日宣示諸天臨軒

東方無極廣生神王長生大聖無量度人  
南方無極執範神王長生大聖無量度人  
西方無極司伐神王長生大聖無量度人  
北方無極普利神王長生大聖無量度人

靈寶无量度人上品妙經

東北無極鎮極神王長生大聖無量度人  
東南無極運化神王長生大聖無量度人  
西南無極保經神王長生大聖無量度人  
西北無極玉輪神王長生大聖無量度人  
上方無極紫霄神王長生大聖無量度人  
下方無極黃闕神王長生大聖無量度人  
十方無極飛天神王長生度世無量大神並  
乘素雲飛輿浮光葆輦羽蓋飄輪驂駕朱虎  
神鳳金鸞建綠霞玄節翠耀華幢前導九天  
神印後仗伏魔信幡素靈秉鉞青真執麾神

帥啓塗玄老主盟億乘萬騎浮空而來傾光  
回駕促氣召仙紫霄丞相太極上宮清微治  
錄一品天官執簡捧籍齊會帝前隨所肇化  
開示諸天普告八冥浩蕩神闕混合之府七  
都九淵羅艷暗域寒刃冰山炎城火翳剛風  
黃五  
九旋考功六司羣魔同宮激颿迅流劫運交  
衝九宮符命伏制妖凶威光下濟普赦罪魂  
升入福堂度品朱陵逍遙解脫衆苦咸原超  
生受化慶會因緣隨劫運轉與天齊年過度  
三災九厄之難永居上境遊行九清九清之

天天帝洞文無色之境梵行

東方八天

玄利族延天

帝澄源舒明

釐豐隱華天

帝慶百靈

昭靈碧淦天

帝略儀耀和

晉師長齡天

帝玩生無遺

漳亭主仙天

帝恪順預平

明極迴真天

帝漢題魁英

昧思純氣天

帝定玄景監

靜解應誠天

帝隆歆皎淵

南方八天

皓明慶述天

炎華赤芒天

鍊真消魔天

寂度忘塵天

靈鑑射玄天

太極校仙圓明正炁

赤陶飛霞鍊中天

靜常惠神天

西方八天

帝植秀友良

帝託端承光

帝一求微藍

帝謹悟濟

帝紹儀祕常

帝力彊捐

帝無待資宣

帝篤慶生

靈寶度量人上品妙經

鍾仙校錄天  
扶善紀功天  
西昌奉真天  
思靈隔陰魔天  
逸曠助為號明天  
張虛留契左神天  
伯化救傷拯物天  
都司召靈天  
北方八天  
宣陰布化天

庚五

帝披冲薦光  
帝都盈撩鄴  
帝辨世正開  
帝鍊咸俞全  
帝勃陽持雲  
帝諒真召替  
帝覺義通  
帝弼忠希恭  
帝詢蒙若賒

八

伏魔掌錄天

帝正威奠明

氣輪壘業天

帝嶽昌祠宗

昇真進澄天

帝輔東登華

陶晶正思天

帝穹嚴犁

運龍直陽天

帝烈江純思

九宮典嶽天

帝優圖訥庸

順靈濟幽天

帝呼成自康

三十二天三十二帝諸天隱諱諸天隱名天  
中空洞自然靈章諸天隱韻天中之音天中  
之尊天中之神主錄真魔仙籍玄靈九運十

靈寶先天度量人上品妙經

周變化杳冥無量隱妙廣不可量紀籍元真  
和合天人功書玉籙升進飛宸今日玄闈應  
體洞告無垠削落黑籍曲素高奔徊風上範  
超度弱淵大魔伏謁同揮玉軒東斗發生西  
斗執權北斗布澤南斗主遷中斗廣化攝御  
靈官青帝降神白帝制氣赤帝育胎黑帝合  
志黃帝坐鎮統天大惠青宮真王碧羅定基  
赤宮真王丹文耀開白宮真王玉景蔚靡黑  
宮真王紫素負微黃宮真王金方化機五宮  
高靈萬天之尊飛行九垣總領天兵持幢秉

節遊眇太冥神威赫奕與道交并上天度人  
太憲流行元皇受命掃殄不祥石光交換天  
令恢張玉馬奔馳巨獸街岡炎精遐布封落  
靈鄉敢肆干犯東縛誅摧玄鉞左戮玉斧後  
夷除蕩怪魅殺伐祆蜚正天元極寶運同歸  
魔無干試邪無遁形九署列曹校錄鬼營不  
容怠縱天吏飛呈普告靈關羣真仰聽三界  
十極咸使知聞

靈書大策寶籙玄篇周化五常三氣推延太  
極布形晶耀綿綿混洞浩劫眇莽升遷六氣

靈寶无度量人上品妙經

代交無極無邊上陳五斗下布九淵風包太  
空徊水騰天玉京植立太素九城戔戔琳房  
仙籍命真翠霞蔚蕭散颯長庚凝爲山嶽流  
爲百川中藏上靈統領萬緣元網流轉三界  
諸天包絡碧虛纏結生關旋紀度經回運極  
炎三十九帝統銜四玄八治分真氣合淵源  
皇中紫宸玉府絳霞宴景洞英吟嘯玄華金  
書蔚明虛泛雲宮玉謠鍊質神音散沖瓊關  
騫秀開導元功千運萬周自然成真真中有  
神天官大君紫微玉輔賜谷高尊嬰兒伯史

太一千精總執玉符保奏生根上遊太虛出  
入圓羅玉山之岫蕭仞之阿下應人身五府  
靈河腦宮之戶方池百盈六洞回泉裡質飛  
青青華九微開度天<sup>上</sup>啓雲網八門玉輪  
大福禁誥善惡因緣普獲濟度死魂生身身  
得受生上聞帝庭帝庭之上各有玄音中有  
九宮闔闔之章三元靈歌辭參高真

第一九宮羣仙飛空之音

八明四虛

包含九宮

赤混高<sup>清</sup>

交羅太空

八圓之上

風澤之中

洞合杳冥

下鎮北鄧

三官統領

中有至神

執天大憲

與道同功

立以天帝

主以玉真

妙化生育

三十九君

上輔元始

浩劫稱尊

出入有無

飛遊玉京

洞章下教

萬天告行

第二九宮仙籍之章

紫瓊天策

玉極真科

高真隱諱

上祕圓羅

朱塵列名

紫素三華

飛仙列聖

赤文煥霞

玄金寶簡

黃玉柔編  
太極玄宮  
逐物流遷  
胡不登山  
身飛帝軒

總記羣真

校籍命仙

魂升魄降

詠此洞篇

帝心所銓

憫彼世人

沈淪九泉

一悟至道

第三太極九宮歌曰

黃五

十一

太清九方

回秀流雲

總執天機

開通杳冥

碧山紫河

玄微結鄰

太微上府

中有老人

騰天隱道

合景生身

扇霄蔚羅

朱光耀明

天輪回運

經變元成

九淵包絡

通道河律

清微帝一

大洞靈尊

默念契大有

自然成至真

我歌九宮仙

願同朝帝宸

此三界之上飛空之中真王歌音音參洞章

誦之百遍名度南宮誦之千遍真王保迎萬

遍道備飛升九宮過度三界位登仙公有聞

靈音魔王敬形敕制地祇侍衛送迎拔出地

戶五苦八難七祖升遷永離北山魂度朱陵

受鍊更生是謂無量普度無窮有祕上天文

諸天共所崇泄慢墮地獄禍及七祖翁

道言此二章並是諸天上帝及九宮仙籍隱

祕之音內有九真雄一雌一真諱仙聖內名

誦詠之者刻書太極證位九宮腦中有紫房

真神列坐向外聞此經聲上參太極下應洞

響九宮之神告兆仙期也皆是大梵之言非

世上常辭言無韻麗曲無華宛故謂玄奧難

可尋詳上天所寶秘於高上神霄玉清玉府

東臺寶藏依科三萬七千年隨運下傳若有

至人齋金寶質心依舊格告盟九宮然後而

付焉

道言夫天地運度否終日月五星虧盈至聖  
神人休否末學之夫疾傷凡有此災同氣皆  
當齊心修齋六時行香十遍轉經福德立降  
消諸不祥無量之文普度無窮

黃五

十二

道言夫末學道淺或仙品未充運應滅度身  
經太陰臨過之時同學至人爲其行香誦經  
十過以度屍形如法則玉華帝妃執火炬以  
滅陰邪雲儀玉女擊天磬於腦宮于是百神  
混合九光之精入填泥丸返其所始魂神徑

上南宮隨其學功計日而得更生轉輪不滅  
便得神仙

道言夫天地運終星宿錯度日月翳昏四時  
失度陰陽不調國境生災疫毒流行兆民死  
傷師友命過同學雍殃皆當修齋行香誦經  
夫齋戒誦經功德甚重上消天災保鎮帝王  
下攘毒害以度兆民生死受賴其福難勝故  
曰無量普度天人

道言凡有是經能為天地帝主兆民行是功  
德有災之日發心修齋燒香誦經十過皆諸

天記名萬神侍衛右別至人克得爲聖君金  
闕之臣諸天記人功過毫分無失天中真王  
亦保舉爾身得道者乃當洞明至言也

諸天中大梵隱語無量音 道君撰

元始靈書九宮仙籍諸真實諱首篇

東方八天

黃五

十三

憂圖元鈴 流體射回 恍濡咸泰

周榮明垂 爛龍足芻 斗江頻雷

仰斷鴻極 招仙納暉 演蕭寂著

空蒙華催 都瑤審涂 洽玄壁刀

察陳澡珂  
秘來發深  
辨蒼祈蔚

壯卑茂彬

南方八天

赫那提都  
明邀詠彥  
荒度覺攸

璣標暄煥  
仗掌雲籍  
曾湍游旻

曜勤祝慈  
邊澹氣司  
駢胡耿池

晶圭薄微  
摘卓鄙消  
幽羅管屍

靜立冥泐  
揚華激彌  
澹雲驛童

豐佐畢龜

西方八天

燎梵諸照

環光林羅

遶兵無形

堆遠輾圍

應道洛馘

周蒙宛毗

屹左遊縛

朱并丙持

渺但洞澤

僕幽楮奚

亮愬祖穆

由汾淇真

獨綿閣韓

夷虛角張

密變蒸斐

瓊迅時機

北方八天

叱麓擎蔽

哪吟時陸

絳海碧岨

希幽烟梅

逸躍便燭

錫光瑤陀

欽載更驅

每官元師

救潔壘嶽

堅風育悲 族蕩萃遠 淑丕在丹

陽輔葛則 厭車橫鱗 處滅生久

關盤泊嬰

道言此諸天中大梵隱語無量之音舊文刻書太極九宮崇墉之上以詔未度至學之士

神棲九宮氣抱太極參味隱韻則錄黃五十四名仙籍

上遊太玄策登左元字皆廣長一丈天真皇

人昔書其文以為正音有知其音能稱而誦

之者諸天皆遣太極右卿下觀其身書其功

勤上奏諸天萬神朝禮地祇侍門大顯真王

保舉九宮道備克得遊行三界升入金門此  
音無所不辟無所不禳無所不度無所不成  
天真自然之音也故誦之致太極下觀上帝  
遙唱萬神朝禮三界侍軒羣袂束首鬼精自  
亡琳琅振響十方肅清河海靜默山嶽吞煙  
萬靈振伏招集羣仙天無氛穢地無袂塵冥  
慧洞清大量玄玄也

元始無量度人上品妙經卷之三十五

卷三十五第十八

---

---

(

---

---

)